

Premis per lavurs da quater maturands

(fmr/hh) Quater maturand(a)s dil gimnasi da Mustér ein vegni undrai dalla Societad per la perscrutaziun dalla natira dil Grischun. Quei scriva la claustra da Mustér en si'ediziun digl avrel digl «e-disentis». Premis da promoziun obtegnan *Gian Maria Ernst* per sia lavur davart la rotaziun dalla tiara e *Robin Holdener* per ina mesiraziun fotogeometrica da dus territoris che semidan. Premis da renconuschientscha retscheivan *Madleina Berther* per la lavur davart il cumbat dils coss da buccaria e *Salome Arias Linares* davart las differenzas stagiunalas el Lago die Cadagno.